

BOSNA I HERCEGOVINA FEDERACIJA
A BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Privredni savjet Grada Zavidovići

Broj: 02-04-1045/23-AP-2

Datum: 09.05.2023. godine



Na osnovu člana 13. Poslovnika o radu Privrednog savjeta Općine Zavidovići, broj: 02-05-1818/17 -AP-12 od 30.06.2017. godine i broj: 02-04-29/21-AP-25 od 27.04.2021. god., na 19. sjednici Privrednog savjeta Grada Zavidovići, koja je održana 03.05.2023. godine u Velikoj sali zgrade Grada Zavidovići sa početkom u 14:00 sati, sastavljam

ZAPISNIK

Na sjednici Privrednog savjeta prisutni su: Hašim Mujanović, Džeraldina Miličević, Mirela Bašić, Enesa Bukvić, Slađan Ilić, Admir Bajraktarević, Ajdin Polić, Emir Okanović, Asim Faljić, Amir Omerašević, Sabahudin Horozović.

Na sjednici Privrednog savjeta nisu prisutni: Remzo Sinanović, Haris Mujanović, Ermin Begović, Alen Muharemović, Birnas Parić, Mustafa Hasaković, Erna Merdić-Smailhodžić.

Zapisnik vodila tehnički sekretar: Merima Bašić.

Konstatuje se da je na sjednici prisutno 11 članova Privrednog savjeta od ukupno 18 članova.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta, odnosno potrebno je prisustvo natpolovične većine članova.

Predsjednik Privrednog savjeta Hašim Mujanović predlaže sljedeći dnevni red:

- 1) Status zaključaka donesenih na sjednicama Privrednog savjeta Grada Zavidovići,
- 2) Program utroška sredstava sa transfera za subvencije privredi i za zapošljavanje za 2023. godinu,
- 3) Informacija o primjeni Zakona o javno-privatnom partnerstvu ZDK i potencijalnim projektima javno-privatnog partnerstva Grada Zavidovići (**izvjestilac Ad.1-Ad.3 Džeraldina Miličević, pomoćnik gradonačelnika**),
- 4) Razno.

Dnevni red se stavlja na diskusiju i pozivaju se članovi Privrednog savjeta da predlože izmjene ili dopune predloženog dnevnog reda.

Prijedlog za izmjenu dnevnog reda se usvaja jednoglasno i prelazi se na rad po istom.

Ad.1. Status zaključaka donesenih na sjednicama Privrednog savjeta Grada Zavidovići;

Izvjestilac pomoćnik gradonačelnika Džeraldina Miličević iznosi pojašnjenja i dodatne informacije po ovoj tački dnevnog reda.

Predsjednik privrednog savjeta otvara diskusiju po ovoj tački dnevnog reda.

Diskusije nije bilo.

Zaključak: Prihvata se Status zaključaka donesenih na sjednicama Privrednog savjeta Grada Zavidovići.

Zaključak je usvojen jednoglasno.

Ad.2. Program utroška sredstava sa transfera za subvencije privredi i za zapošljavanje za 2023. godinu;

Izvjestilac pomoćnik gradonačelnika Džeraldina Miličević, konstatuje da program nije bio na sjednici Gradskog vijeća, te da su izvršene određene izmjene u odnosu na prošle godine; cca 118 hiljada je predviđeno za redovne poticaje, 20 hiljada za projekat Inkubator poslovnih ideja IMPAKT i 42 hiljade za projekat sa HELP-om-njemačkom organizacijom za podršku registrovanih djelatnosti. Nadalje, konstatuje da postoji 5 mjera redovnih poticaja, dvije nove mjere su: subvencioniranje kupovine vozila i subvencioniranje obuke novozaposlenih pri prvom zaposlenju za poslove u proizvodnim djelatnostima.

Predsjednik Privrednog savjeta otvara diskusiju po ovoj tački dnevnog reda.

Ajdin Polić: konstatuje da se najviše očekuje od prve mjere za nabavku stalnih sredstava.

Enesa Bukvić: postavlja pitanje da li je dovoljno sredstava koja se izdvajaju za broj zainteresovanih aplikanta?

Džeraldina Miličević: navodi da je prošle godine kroz rebalans budžeta uvećan iznos sredstava i da su svi podržani u 100% iznosu.

Emir Okanović: konstatuje da su jednostavniji poticaji na ovom nivou nego kantonalni i federalni.

Hašim Mujanović: navodi da je potreban i neki indikator za uspješnost mjere za sredstava koja se dodijele; potrebno nam je savjetničko mjesto za buduće i aktivne privrednike i promocija i marketing.

Sladan Ilić: navodi da je potrebna promocija, savjetovanje i edukacija za poticajne mjere.

Sabahudin Horozović: konstatuje da su federalni kantonalni poticaji dostupni svim privrednicima; apliciranje je jednostavno, pozivi se objavljuju više puta u toku godine; nadalje poredi mjeru za subvencioniranje novih radnih mjesta s viših nivoa i mjeru 5 gradskih poticaja i konstatuje da se ista mjera na kantonu nije pokazala uspješnom jer uvijek ima nedovoljno prijavljenih i dokumentacija je složenija u odnosu na mjeru zapošljavanja. Predlaže da se mjera 5 u budućem periodu zamijeni nekom drugom mjerom;

npr. start-apovi koji zaključe ugovore na 12 mjeseci, da se iznađe neki modus dodatnog sufinansiranja na šest mjeseci kako bi ta lica ostala na tržištu rada. Navodi da mladi ljudi koji dobiju od kantonalnih službi 7-8 hiljada KM, dođu i pitaju da li postoji mogućnost za dodatna sufinansiranja kako bi opstali i održali se na tržištu rada. Predlaže da se radi BIZNIS + program za već postojeće korisnike za plus 6 mjeseci. Također navodi da preko kantonalnih poticaja ne koriste tu mjeru obuke, tako da predlaže da se mjera 5 u tom pravcu planira.

Ajdin Polić: predlaže da se oni koju su bili korisnici drugih mjera preko zavoda i slično da se nastavi dodatno sufinansiranje za 6 mjeseci kroz ovu mjeru gradskih poticaja.

Džeraldina Miličević: navodi da je mjera 5 uvedena na osnovu zahtjeva iz određenih krugova u privredi, i zato je uvedena ove godine, iako se u prethodnom periodu pokazala neuspješnom. Također konstatuje da je najveći nedostatak poduzetničkih i menadžerskih znanja i zato su u ranijim periodima izbjegavali podržavati start-upove bez mentoringa i edukacija. Potrebno je da znaju i kako voditi obrt.

Ajdin Polić: navodi da su opstali oni koju se dobili poticaje, a već su imali otvorenu firmu i uložili vlastita sredstava.

Hašim Mujanović: (...)

Amir Faljić: (...) navodi da je mali poduzetnik od 2010. godine i neko to treba da prepozna.

Enesa Bukvić: (...) samo je potrebno da aplicira.

Hašim Mujanović: (...)

Džeraldina Miličević: (...) problem je sivog tržišta. Možemo zajednički utvrditi kriterije za dodjelu nagrade za najboljeg poduzetnika/privrednika itd, start-up godine.

Slađana Ilić: predlaže da to ne mora biti novčana nagrade, nego iz evidencija ko ima najviše prijavljenih da se predloži za najboljeg frizera i sl.

Asim Faljić: navodi da treba gledati čime se bave, koje su to djelatnosti.

Hašim Mujanović: konstatuje da su odlične ideje i da privredni savjet kreira kriterije za nagrade i sl. i da se usaglasi na nekoj od sjednica Privrednog savjeta. Također, naglašava da je potrebno prijavljivati nelojalnu konkurenciju, djelatnosti koje nisu prijavljene.

Džeraldina Miličević: predlaže da se uspostavi besplatna linija za prijavu neregistrovanih djelatnosti i da se provede medijska kampanja vezano za navedeno.

Amir Omerašević: (...)

Ajdin Polić: predlaže da se putem internet stranice ostavi mogućnost za prijavu neregistrovanih djelatnosti.

Emir Okanović: postavlja pitanje da li ima izuzeća kod prijavljivanja na mjeru broj 4. kupovina vozila?

Džeraldina Miličević: navodi da je izuzeće samo za kupovinu vozila kod djelatnosti koje obavljaju prevoz tereta za najam.

Zaključak: Prihvata se Program utroška sredstava sa transfera za subvencije privredi i za zapošljavanje za 2023. godinu.

Zadužuje se nadležna služba da razmotri mogućnost uvođenja mjere BIZNIS + (za dodatno sufinansiranje od 6 mjeseci za korisnike kantonalnih poticaja sa zavoda za zapošljavanje).

Zadužuje se Stručna služba gradonačelnika za uvođenje besplatne telefonske linije za prijavljivanje neregistrovanih djelatnosti (siva ekonomija) i prijavljivanje

navedenog putem web stranice grada ili e-mail-a.

Zaključak je usvojen jednoglasno.

Ad.3. Informacija o primjeni Zakona o javno-privatnom partnerstvu ZDK i potencijalnim projektima javno-privatnog partnerstva Grada Zavidovići;

Izvjestilac Džeraldina Miličević konstatuje da su prijavljeni isti projekti kao i prošle godine. Tražena su pojašnjenja od ministarstva za primjenu Zakona; navodi da bi rješenje bilo da se grad prijavi za izradu studije opravdanosti putem nekod od poziva. Gradska uprava je izradila katalog projekata koji je objavljen na stranici ministarstva.

Predsjednik Privrednog savjeta otvara diskusiju po ovoj tački dnevnog reda.

U raspravi su učešće uzeli: Hašim Mujaović, Admir Bajraktarević, Slađan Ilić, Ajdin Polić.

Zaključak: Informacija se prima k znanju.

Ad.4. Razno;


Ajdin Polić: obavještava da je objavljen javni poziv za apliciranje za održavanje foruma/sajma na koji je aplicirala Razvoja agencija; pripremljen je koncept za održavanje turističko-privrednog sajma; predviđeni troškovi od federalnog ministarstva okoliša i turizma su cca 20 hiljada KM; te ukoliko bi prošli na javnom pozivu, potrebno je da zajedno u koordinaciji pokušamo to organizovati do krajem septembra. Dva mjeseca od dana objave rezultata bi imali vremena za organizovanje događaja.

Slađan Ilić: predlaže da se omogući prijavljivanje svih problema građana na internet stranici ili poseban broj telefona; da se to ne radi putem facebooka (...) (naježda zmija, pasa lualica i sl.)

Admir Bajraktarević: konstatuje da poslije praznika prvog maja nije ostavljeno puno smeća na zelenim površinama od strane građana i da je postavljanje kontejnera urodilo plodom i da se probudila svijest kod građana.


Sjednica Privrednog savjeta završena u 15:22 sati.

ZAPISNIK SAČINILA



Merima Bašić

ZAPISNIK OVJERAVA
PREDSJEDNIK PRIVREDNOG SAVJETA



doc.dr. Hašim Mujaović